

Pigisanit pissarsiat ilaasa akileraaruserneqartarnerat pillugu Inatsisartut Inatsisaat

Akileraartussaataitaaneq

§ 1. Soraarnerussutisiaqarsinnaatitaasut, aningaasarsianit akileraarutit pillugit Inatsisartut Inatsisaanni (aningaasarsianit akileraarutit pillugit inatsit) § 1, imm. 2. imaluunniit 2, imaluunniit imm. 2 naapertorlugit akileraaruteqartussaasut, kiisalu nunami allami, Danmarkimi imaluunniit Savalimmiuni, marloqiusamik akileraartannginnissamik isumaqatigiisummi aalajangersakkat naapertorlugit, nunaqavissutut isigineqarsinnaanngitsut Inatsisartut Inatsisaat manna naapertorlugu iluanaarutinit akileraaruteqartassapput, tassa soraarnerussutisiaqalernissaq siunertaralugu ileqqaakkanit aningaaserivinni Kalaallit Nunaanni angerlarsimaffeqartuni imaluunniit aalajangersimasumik ingerlatsiveqartuni pilersinneqarsimasuni, kiisalu inuunermik sillimmasiisarfinnit aamma soraarnerussutisiaqalernissamut aaqqissuussinernit iluanaarutinit, taakku aningaasarsianit akileraarutit pillugit inatsimmi § 39 a, imm. 1-imi aamma 2-mi piumasaqaatinut naammassinnissimagunik aamma aaqqissuussinerit § 53 A-mi soraarnerussutisiaqalernissamut aaqqissuussinerit il.il. akileraarusiisarneq pillugu danskit inatsisaanni ilaatinneqartut.

Imm. 2. Soraarnerussutisiaqarsinnaatitaasoq toqukkut qimaguppat akileraartussaataitaaneq unissaaq.

Akileraarusiinermut tunngaviit

§ 2. Iluanaarutit akileraarusigassat nunatta karsianut 15,3 procentimik akileraaruserneqassapput.

Imm. 2. Akileraarusiinermut tunngaviusut tassaapput ukiumi aningaasarsiaqarfusumi iluanaarutit. Ukioq aningaasarsiaqarfusoq tassaavoq qaammatsiutit malillugit ukioq ataaseq.

Soraarnerussutisiaqarsinnaatitaasut soraarnerussutisiaqalersinnaanermut aaqqissuussineri ataatsimi arlaliuppata iluanaarutit naatsorsorneqartut akileraaruserneqartussat pineqartut akornanni ukiup aningaasarsiaqarfusup naanerani aaqqissuussineri uninngasuutaannut naleqqiussilluni agguarneqassapput.

Imm. 3. Ukiumi aningaasarsiaqarfusumi akileraaruteqartussaataitanerup aallartiffiani imaluunniit uniffianit, taava ukioq aningaasarsiaqarfusoq tassaassaaq qaammatsiutit malillugit ukioq aningaasarsiaqarfusup ilaa akileraaruteqartussaanerup atuuffigisimasaa.

§ 3. Iluanaarutit akileraaruserneqartussaasut imatut naatsorsorneqassapput illuatungaani ukiup aningaasarsiaqarfusup naanerani aaqqissuussinerup aningaatigut nalingata taakkununga ilanngullugit ukiup ingerlanerani tunniunneqartut, illuatungaatigullu aaqqissuussinerup aningaasatigut ukiup

anigaasarsiorfusup aallartinnerani nalingata taakkununga ilanngullugit ukiup ingerlanerani akilernerqartut taakku assigiinngissutaat. Akileraaruseriffik aningaasatigut nalinganik missingiilluni aalajangersaasinnaavoq, imaappat soraarnerussutisiaqarsinnaatitaasup aalajangersakkami matuma maleruqqusat tunngavigalugit aningaasatigut nalinga naatsorsorsimanagu.

Imm. 2. Akileraarut Inatsisartut Inatsisaat manna naapertorlugu naalagaaffimmut allamut, Danmarkimut Savalimmiunulluunniit akilernerqarsimasooq aningaasarsianit akileraartarnermut inatsimmi § 69 naapertorlugu ilanngaaticineqarsinnaavoq.

Imm. 3. Ukiumi aningaasarsiaqarfiusumi iluanaarutaasussaagaluq annaasanngorsimappat, taava taanna ukiumi aningaasarsiaqarfiusumi tassani ilanngaataasinnaavoq, soorluttaaq aamma iluanaarutaasut aqqissuussinnermi tassanerpiaq ukiumi tulluuttuni 10-ni. Annaasaqaatit ukiumut allamut aatsaat nuutsinneqarsinnaasassapput annaasaqaat ukiumi aningaasarsiaqarfiusumi siullimi ataatsimi iluanaarutaasimasunit matussuserneqarsinnaanngippat.

Paasissutissanik nalunaarutiginninneq

§ 4. Kingusinnerpaamik februaarip aallaqqaataani aningaaseriviit §1, imm. 1-imi taaneqartut ukiup siuliani aningaasarsiaqarfiusumi akileraartarnermut aqutsisoqarfimmut paasissutissat makku nalunaarutigissavaat:

- 1) kontumik piginnittup aqqa, najugaa aamma inuup normua,
- 2) ukiup aallartinnerani aamma naanerani uninngasuutit, kiisalu
- 3) ukiup ingerlanerani iluanaarutit, tak. § 3

Imm. 2. Konto matusimagaluarpat, allamut nuussimagaluarpat assigisaanilluunniit paasissutissat nalunaarutigineqassapput.

Imm. 3. Paasissutissat imm. 1-imi 2-milu taaneqartut tunniunneqartarnerat pillugu malittarisassanik sukumiinerusunik Naalakkersuisut aalajangersaasinnaapput.

Nammineerluni nalunaarusiaq

§ 5. Soraarnerussutisiaqarsinnaatitaasut § 1, imm. 1-imi 2-milu taaneqartut, ukiup aningaasarsiaqarfiusup siuliani iluanaarutit § 3-mi taaneqartut pillugit akileraaruseriffimmut nammineerluni nalunaarusiaq atorlugu nalunaaruteqassapput kingusinnerpaamik ulloq:

- 1) 1. maaji tamanut, tassa normu 2-mi ilaatinneqanngitsunut,
- 2) 15. maaji namminersorlutik inuussutissarsiutinik ingerlatsisunut, tassa elektroniskiusumik akileraaruserfiup innersuussinera malillugu nammineerluni nalunaarusiamik nassiussisartunut.

Akiliisitsiniut

§ 6. Akileraaruseriffik akileraarummit naatsorsorneqarsimasumit akiliisitsissaaq.

Imm. 2. Ukiup aningaasarsiaqarfiusup siuliani iluanaarutinit akileraarutit akiligassanngortinneqassapput 1. septembari, kingusinnerpaamillu akiliiffissaq tassaassalluni 20. septembari.

Imm. 3. Soraarnerussutisiaqarsinnaatitaasut akileraaruserfimmu akileraarummik akiliigallarsinnaapput. Akiliineq taama ittoq ukiup aningaasarsiaqarfiusup naareernerani pisinnaavoq, taamaattorli ukiumi

anigaasarsianik akileraaruteqaataasussanik naatsorsuiffusumi 1. maajip kingornatigut pisinnaanani. Ukiumi anigaasarsiaqarfusumi akiliuteqarnermut tunngasumut akileraarutit kinguaattoorutaasimasinnaasut erniaat ilanngullugit, anigaasanit akiliutigineqartunit taakku ilanngaatineqqaassapput.

§ 7. Soraarnerussutisiaqalernissamut aaqqissuussinernit il.il. § 1-imi taaneqartunit tunniunneqartut ingerlaavartumik iluanaarutit akileraarutaannut matusissutissatut, anigaasarsianut akileraaruserneqartussanut ilanngunneqassanngillat kiisalu sulii piffissanngunngitsoq atorunnaarsitsinertut isigineqanngillat.

Imm. 2. Anigaasanik akileraarutinit matussusiissutissanik tunniussineq ingerlanneqassaaq kingusinnerpaamik ukiup iluanaarutit pissarsiarineqarfata kingornatigut ukiumi tullermi.

Allaffissornikkut isumaqatigiissutit

§ 8. Inuunermik sillimasiinernik aamma soraarnerussutisiaqalernissamut aaqqissuussinernik nioqquteqartunik, anigaasarsianit akileraarutit pillugit inatsimmi § 39 a, imm. 1 aamma 2 naapertorlugit kiisalu soraarnerussutisiaqalernissamut aaqqissuussinernik akileraarusiisarneq pillugu qallunaat inatsisaanni § 53 A-mi aaqqissuussinerni ilanngunneqartuni il.il. piumasaqaatinik naammassinnittunik paasissutissanik nalunaaruteqartarneq § 4, imm. 1-imi taaneqartoq pillugu Naalakkersuisut isumaqatigiissuteqarsinnaapput.

Imm. 2. Soraarnerussutisiaqalernissaq siunertaralugu ileqqaarnernik kiisalu inuunermik sillimasiinermik aamma soraarnerussutisiaqalernissamut aaqqissuussinernik nioqquteqartunik, anigaasarsianit akileraarutit pillugit inatsimmi 39 a, imm. 1 aamma 2 naapertorlugit kiisalu soraarnerussutisiaqalernissamut aaqqissuussinernik akileraarusiisarneq pillugu qallunaat inatsisaanni § 53 A-mi aaqqissuussinerni ilanngunneqartuni il.il. naatsorsuinnermut, soraarnerussutisiaqarsinnaatitaasut sinnerlugit akileraarutinit uninngatitsineq akiliinerlu pillugit Naalakkersuisut isumaqatigiissuteqarsinnaapput, tak. § 2, imm. 1 aamma 2, § 3, § 6 aamma § 7.

Pineqaatissiissutit

§ 9. Piaaraluni imaluunniit mianersuaalliorujussuarluni § 1, imm. 1-imik, § 4-mik aamma § 5-imik unioqqutitsineq, Kalaallit Nunaanni Pinerluttulerinermi inatsit naapertorlugu pineqaatissinneqaataasinnaavoq.

Imm. 2. Piaaraluni imaluunniit mianersuaalliorujussuarluni, isumaqatigiissuteqartup pisussaannerinik § 8-imi taaneqartunik unioqqutitsineq, Kalaallit Nunaanni Pinerluttulerinermi inatsit naapertorlugu pineqaatissiinneqaataasinnaavoq.

Imm. 3. Inatsisartut inatsisaata matuma kingunerisaanik najoqqutassat saqqummiunneqartut malillugit Kalaallit Nunaanni Pinerluttulerinermi inatsit naapertorlugu akiligassiisoqarsinnaavoq.

Imm. 4. Inatsisartut inatsisaat imaluunniit najoqqutassat inatsisartut inatsisaata matuma kingunerisaanik saqqummiunneqartut malillugit akileeqqusissummik aalajangersaanissamik tunngaveqartitsippata, akileeqqusissut Kalaallit Nunaanni Pinerluttulerinermi inatsimmi maleruaqqusat malillugit inatsisitigut pisinnaatitaasoq akileeqqusissummik pisussaaffilerneqarsinnaavoq.

Imm. 5. Pillaammik akiligassiissutit imm. 1-4 naapertorlugit aalajangerneqartut Nunatta Karsianut nakkartassapput.

§ 10. Akileraaruseriffik isumaqarpat unioqqutitsineq akiliisitaanermi sakkortunerusumik pineqaatissiissutigineqartariaqartoq, taava Naalakkersuisut imaluunniit Naalakkersuisut taamaaliornissamut piginnaatitaata pineqartoq nalunaarfigissavaa suliaasaq eqqartuussisutigoortitsinertaqaanngitsumik inerneqarsinnaasoq, pineqartup ilumut unioqqutitsisimanini nassuerutigippagu aammalu piffissaatitaasup erseqqinnerusumik aalajangikkap, qinnuteqarnikkut sivitsorneqarsinnaasup, qaangiutinnginnerani akiliutissamik nalunaarummi taaneqartumik akiliiumappat.

Imm. 2. Paasisitsissummut imm. 1-imi taaneqartumut tunngatillugu Kalaallit Nunaanni eqqartuussisarnermi inatsimmi maleruaqqusat unnerluussutip imarisai pillugit taamaallutik atuutissapput.

Atuutilerfia

§ 11. Inatsisartut Inatsisaat 1. januaari 2019-imiit atuutilerpoq*.

Namminersorlutik Oqartussat, ulloq 23. november 2017

Kim Kielsen

*Aningaasaqarnermut Akileraartarnermullu Ataatsimiititaliaq aalajangiineq nr. 01.31.06/17 – 0078 aqqutigalugu ataatsimiinnermiinnermi ulloq 27. december 2017 ingerlanneqartumi aammalu aalajangiineq nr. 01.31.06/18-00792 aqqutigalugu ataatsimiinnermi ulloq 7. februar 2018 ingerlanneqartumi Aningaasaqarnermut Inatsisini ukioq 2017-imut kiisalu 2018-imut oqaasertaliussat akuersissutigaat tulliuttunik imaqartunik:
"Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. 37, 23. november 2017-imeersoq atuutilersinneqassaaq ulloq 1. januar 2018."

Oqaasertaliussat llassutitut aningaasaliissutitut inatsisissatut siunnersuusiani ukioq 2017-imoortuni aammalu 2018-imoortuni ilanngunneqassapput.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut